

# 1

# მაისი

აღდგომის III კვირა [III] თ

წმ. იოსებ მშრომელი

## 2017

## ორშაბათი

საქმ 6,8-15; ფს 118; იო 6,22-29

უღის „ქვედა ეკლესიის“ დღეობა

**ღვთის სჯმე ის არის, რომ ირწმუნოთ იგი,  
რომელიც მან მოაწვლინა** იო 6,29

მამის გულის გასახარებლად ვღებულობ მის  
საჩუქარს, იესოს, რათა ჩემი ცხოვრების გზა  
მიმითითოს. იესოს კვალში სვლით, ანუ თუ  
მივენდობი და დავყვები მას, აღმოჩნდება რომ  
მამის ნება ამისრულებია. ეს ჩემთვის სიამაყის  
მიზეზად როდი იქცევა, ანდა პრეტენზიებს კი არ  
წავუყენებ მას, რაკი ვუწყი, რომ ჩემი ნდობისა და  
მისდამი რწმენის უნარს ჩემში აღძრავს და შეეწევა  
წმიდა სული, ანუ ესეც მისი ნამოქმედარია!



# 2

# მაისი

აღდგომის III კვირა [III] თ

წმ. ათანასე ეპ. და ეკლ. მოძღვ., +373 , (მ)

## 2017

## სამშაბათი

საქმ 7,51 – 8,1; ფს 30; იო 6,30-35

**მამა გაბლევთ ჭურს ზეციდან** იო 6,32

უდაბნოში იესომ დაამარცხა მაცდური წმიდა  
წერილების მოხმობით: „არა მხოლოდ პურით  
ცოცხლობს კაცი, არამედ ღვთის პირიდან გამოსუ-  
ლი ყოველი სიტყვით“. ნამდვილი პური, რომელიც  
ანაყრებს სწორედ ისაა, რასაც ღმერთი, მამა გვაძ-  
ლევს: მისი სიტყვაა, იესო, მისი გულიდან გამოსუ-  
ლი მარადიული სიტყვა, მთელ მის სიყვარულს რომ  
გვიწვდის და გვანიჭებს სავსე სიცოცხლეს.



# 3

# მაისი

წმიდანნი ფილიპე და იაკობ  
მოციქულნი, დ, [ს], წ

## 2017

## ოთხშაბათი

1კორ 15,1-8; ფს 18; იო 14,6-14

**მე მამაში ვარ, მამა კი ჩემში** იო 14,11

იესო უხსნის მოციქულებს – ამისი მიზეზი მას მისცა ფილიპეს შეკითხვამ, ფილიპესი, რომელსაც დღეს იაკობთან ერთად ვიხსენებთ – მამასთან თავისი ერთობის საკვირველ საიდუმლოს. „*მე მამაში ვარ და მამა ჩემში*“. იესო, უფრორე გულით ვიდრე გონებით ცოტათი მაინც ვხვდებით შენს ნათქვამს! ჩვენშიც ხომ ცოცხლობს შენთან სრული ერთობის წყურვილი, ჩვენ რომ გიყვარვართ. ნამდვილად ვატარებთ ჩვენში ღვთის ხატებას, ჩვენი ღვთისა, რომელიცაა სიყვარული!



# 4

# მაისი

აღდგომის III კვირა [III] თ

## 2017

## ხუთშაბათი

საქმ 8,26-40; ფს 65; იო 6,44-51

**მე ვარ ცოცხალი ჭურჭი** იო 6,51

მადლობა, მამაო სახიერო, შენი ჩვენდამი  
უსაზღვრო სიყვარულისათვის! ჩვენმა სიურჩემ  
სიკვდილში ჩაგვაგდო, მაგრამ შენ იპოვე გზა  
ჩვენთვის სიცოცხლის მოსაბრუნებლად, ნამდვილი  
სიცოცხლისა, რომელიც აღარა კვდება და მუდამ  
სიყვარულს გასცემს: მოგვეცი შენი ძე იესო  
ვითარცა პური! იგი ჩვენში, ჩვენ კი მასთან ერთად  
შენში, მამაო სახიერო: მარად ცოცხალნი ვართ  
სავსე სიცოცხლით! ალელუია!



# 5

# მაისი

აღდგომის III კვირა [III] თ

## 2017

## პარასკევი

საქმ 9,1-20; ფს 116; იო 6,52-59

**მე ვარ იესო, შენ რომ სდევნი** საქმ 9,5

რაოდენ ძვირფასი ყოფილა იესოს ერთი მოწაფე, თუკი თავად იესო თავს აიგივებს მასთან, მეტიც, იმყოფება მასში. იესო ცოცხალია და მოქმედი თავისი მოწაფეების საშუალებით, თავისი ეკლესიის საშუალებით. წმიდა პავლემ, მას შემდეგ, რაც გაიგო რომ იესო ნამდვილად ის მესია იყო, რომელსაც თავადაც მოელოდა, და რომ იგი ჭეშმარიტად აღდგა მკვდრეთით, როგორც იუწყებოდნენ მისი მოწაფენი, იქცა ეკლესიის სვეტად და ყველა ხალხთან მისაღწევად ძვირფას საშუალებად. იესო, მეც მსურს მიყვარდე შენსა და ჩემს ძმებში.



# 6

# მაისი

აღდგომის III კვირა [III] თ

2017

შაბათი

საქმ 9,31-42; ფს 115; იო 6,60-69

**შენა გაქვს საუკუნო სიცოცხლის სიტყვები!** იო 6,68

იესო მზადაა მართო დარჩეს, მართო მამასთან! დიდძალი ხალხი მას რომ მისდევდა, მისი ხორცისა და სისხლის გაცემაზე სიტყვის მოსმენისას, გაოგნებული იფანტება... პეტრე მოწაფეთა სახელით, ჩემი და შენი სახელითაც, გამოხატავს იესოსთან დარჩენის გადაწყვეტილებას. შესაძლოა მასაც არ ესმოდა ბოლომდე, მაგრამ განცდილი ჰქონდა მისი სიტყვიდან მომდინარე ნამდვილი სიცოცხლე.



7

# მაისი

პასექის IV კვირადღე, «ა», [IV], თ

2017

კვირა

საქმ 2,14.36-41; ფს 22; 1პეტ 2,20-25; იო 10,1-10

**მე ვარ ცხვრის კარი** იო 10,7

იესო, შენ თავმდაბალი ხარ, მთლიანად მიმართული მამის დიდებისაკენ, იმ დიდებისაკენ რომელიცაა მისი სიყვარული, სიფაქიზე ჩვენს მიმართ. შენ წარმოგვიდგები როგორც „კარი“: ერთადერთი გადასასვლელი მამის გულში შესასვლელად, სიცოცხლის, სიხარულის სისავსის დასაგემოვნებლად. მადლობა, იესო, შენი ყოველი სიტყვისათვის, ეკლესიაში მონიჭებული ყოველი მადლისათვის!



# 8

# მაისი

აღდგომის IV კვირა [IV] თ

2017

ორშაბათი

საქმ 11,1-18; ფს 41-42; იო 10,11-18

კამილიელი დედა მარია ნიკოლოზის გახსენების დღე +2005

მე ვარ მწყემსი კეთილი იო 10,11

ღმერთს სწადია იყოს მამილო, სურს წარუძღვეს მარადიული მოსვენებისა და სისავსისაკენ თავის შექმნილ ყოველ ადამიანს. მადლობა, იესო, ეს რომ გვითხარი; მადლობა, რომ მამას ოცნება აუხდინე შენი თავის მიძღვნით. ალელუია!





9

## მაისი

აღდგომის IV კვირა [IV] თ

2017

სამშაბათი

საქმ 11,19-26; ფს 86; იო 10,22-30

ფაშიზმზე გამარჯვების დღე

ხელი უფლისა მასთან იყო საქმ 11,21

როგორც პირველი ქრისტიანები, რომელთა შესახებ მოწმობასაც ვისმენთ ამ საპასექო ჟამს, გაფანტულნი ვართ მრავალ ადგილზე, იქ, სადაც იესოს მაკურთხეველმა მარჯვენამ წარგვგზავნა: საავადმყოფოს პალატაში თუ მოხუცთა პანსიონატში, სასკოლო კლასში, ქარხანაში, სამზარეულოში...

ყველგან უფლის ხელი კვლავაც ჩვენთანაა: შეგვეწევა, გვიფარავს, მიგვიძღვის. და ჩვენც მასთან ერთად შეგვიძლია ავაგოთ მისი სასუფეველის ერთი მცირე ნაწილი, რომელიცაა „სიყვარული, სიხარული, მშვიდობა წმიდა სულში“ და რომელიც აღძრავს და განავრცობს ნამდვილ სიცოცხლეს.



# 10

# მაისი

აღდგომის IV კვირა [IV] თ

## 2017

## ოთხშაბათი

საქმ 12,24-13,5; ფს 66; იო 12,44-50

წუთისოფლის განსასჯელად კი არა,  
არამედ მის სახსნელად მოვედი იო 12,47

გეთაყვანები, უფალო იესო: შენ მოსულხარ  
არა წუთისოფლის განსასჯელად, არამედ მის  
სახსნელად... და რა ფასად! ამ წუთისოფელში  
მეცა ვარ, ეს წუთისოფელი ჩემშიცაა და ცდილობს  
გულისყური გამიფანტოს, რომ არ ვირწმუნო შენი  
სიტყვა, რომ არ შევიგნო ის უკიდევანო სიყვარული,  
რითაც გიყვარვარ.

სულო წმიდაო, შემეწიე დავანებო იესოს, ვუყვა-  
რდე, დავანებო მას, გამინათოს და წარმიძღვეს  
სავსე სიცოცხლის გზაზე!



# 11

# მაისი

აღდგომის IV კვირა [IV] თ

## 2017

## ხუთშაბათი

საქმ 13,13-25; ფს 88; იო 13,16-20

მ. იეჟი შიმეროვსკის გახსენება (+2016)

**ღმერთმა მოუვლინა ისრაელს  
მხსნელად იესო** საქმ 13,23

გუშინ ვისმინეთ იესოს სიტყვა: *არ მოვსულვარ  
წუთისოფლის განსასჯელად, არამედ მის  
სახსნელადო. დღეს ვისმენთ პავლე მოციქულის  
სიტყვას, რომ გვაუწყებს ღმერთის დიად  
გულმოწყალებას ისრაელის მთელი ისტორიის  
მანძილზე, რომელიც სრულდება მაცხოვარი იესოს  
მოვლინებით. ჭეშმარიტად ღმერთი, ჩვენი უფლის  
იესოს მამა მარადიული და ერთგული სიყვარულია  
და სწადია ჩემგან ამის მოსმენა: „შენა ხარ მამა  
ჩემი, ღმერთი ჩემი და კლდე ჩემი მხსნელი“.*



# 12

# მაისი

აღდგომის IV კვირა [IV] თ

წმმ. ნერეოს და აქილევსი, წამ. +III ს.;

წმ. პანკრაციუსი, წამ. + 304

## 2017

## პარასკევი

საქმ 13,26-33; ფს 2; იო 14,1-6

წმ. ანდირა მოციქულის დღესასწაული  
საქართველოს მართლმადიდებელ ეკლესიაში

**ნუ შეკრთება თქვენი გული** იო 14,1

იესოს მოლოდინში ვცხოვრობთ, იმ მოლოდინში, რომელიც დაიწყო პირველმა მცირე ეკლესიამ, რომელმაც, როცა შეჰყურებდა თავის ზეცად აღმავალ უფალს, ირწმუნა ანგელოზის სიტყვა: „...დაბრუნდება...“. ჩვენს გულში ცოცხლად ჟღერს იესოს სიტყვა: „*ნუ შეკრთება თქვენი გული*“; ჩვენი სიმშვიდით გამოვთქვათ ჩვენი სიყვარული, ჩვენი სასოება: იგი, თავის დიდებაში კვლავაც ფიქრობს და მუდამ ფიქრობს ჩვენზე. მადლობა, იესო!



# 13

# მაისი

აღდგომის IV კვირა [IV] თ

ფატიმის ნეტ. ქალწ. მარიამი - 1917

## 2017

## შაბათი

საქმ 13,44-52; ფს 97; იო 14,7-14

მოწაფენი სავსენი იყვნენ  
სიხარულითა და წმიდა სულით საქ 13,52

აქ საუბარია ახალდაბადებულ ეკლესიაზე: მიუხედავად ყველა დევნისა, რასაც გზად ხვდებოდა, სავესე იყო სიხარულითა და წმიდა სულით. იგივე სიხარულია, იგივე წმიდა სულია, ჩვენს გულებსაც რომ აღავსებს, როდესაც იესოს თუნდაც ერთი სიტყვის შესრულება გამოგვდის ხოლმე: მისი სიყვარულისათვის ერთ უხეშობას ღიმილით ვუპასუხე, მისი სიყვარულისათვის მოთმინებით მოვექეცი ჩემს უმცროს დაიკოს, რომელსაც მათემატიკის დავალება ერთულებოდა, მისი სიყვარულისათვის... და იესო არასოდეს ტოვებს უპასუხოდ ჩვენს სიყვარულს, რადგან ის ყველა სხვა ძღვენზე მეტად ახარებს!



# 14

# მაისი

პასექის V კვირადღე, «ა», [I], თ

## 2017

## კვირა

საქმ 6,1-7; ფს 32; 1პეტ 2,4-9; იო 14,1-12

### მეგრეთ

საქმ 14,11

იესო მოუხმობს თავისიანებს, დღეს კი ჩვენც, მეც, ვირწმუნოთ რომ იგი მამაშია და მამა – მასში; ანუ, ვირწმუნოთ, რომ იესო ღმერთია, უფალი, რომელიც იმსახურებს ჩემი ცხოვრების მესაჭეობას. „თუ არადა – დაურთავს იესო – ჩემს საქმეთა გამო მაინც ირწმუნეთ“. დიახ, იესომ აჩვენა რომ იგი ბუნების მბრძანებელია, სნეულებები და ეშმაკებიც მის სიტყვას ემორჩილებიან; მაგრამ, უპირველეს ყოვლისა მან აჩვენა 'ღვთაებრივი სიყვარული', რომელსაც ვერაფერი გაეჯიბრებოდა. იესო, დიახ, მწამს შენი, მოგენდობი შენ, რადგან შენმა სიყვარულმა სძლია ჩემს ცოდვას, ჩემს მტერს, ჩემს სიკვდილს. შენ სრულად გაეცი შენი თავი ჩემთვის.



# 15

# მაისი

აღდგომის V კვირა [I] თ

## 2017

## ორშაბათი

საქმ 14,5-18; ფს 113; იო 14,21-26

**მე შევიყვარებ მას და გამოჟეცხადები** იო 14,21

ზოგჯერ იესო გვთხოვს ხოლმე ჩვენი სიყვარულის მცირე თუ დიდ ნიშანს: სურს ვჭირდებოდეთ ჩვენ, მნიშვნელობას გვანიჭებს თავისი საქმისათვის, თავისი სასუფეველისათვის. და არც საზღაურს გვიგვიანებს, როდესაც გვანიჭებს მისი უკეთ გაცნობის, მის გულში უფრო ღრმად შესვლის ნიჭს.



# 16

# მაისი

აღდგომის V კვირა [I] თ

(3.V) წმ. მამაი კათალიკოსი;

(3.V) ღირ. მამანი მიქაელ და არსენ ულუმბოელნი

## 2017

## სამშაბათი

საქმ 14,19-28; ფს 144; იო 14,27-31

შეაყდრეს ისინი თუფალს,  
რომელიც ირწმუნეს იო 14,23

მოციქულები, მას შემდეგ რაც იქადაგეს იესო,  
თავად მას მიანდობენ თავიანთ ნაღვაწს.

შეგვიძლია მათგან ვისწავლოთ: უფლისაგან  
მონდობილი მსახურების შესრულების შემდეგ,  
ჩვენი შრომა მის ხელს მივანდოთ, მშვიდად: იგი  
შეძლებს გამოიღოს მისი ნაყოფი, იმ დროში და  
იმგვარად, რომელიც მხოლოდ მან უწყის.





# 17

# მაისი

აღდგომის V კვირა [I] თ

## 2017

## ოთხშაბათი

საქმ 15,1-6; ფს 121; იო 15,1-8

**დარჩით ჩემში და მე თქვენში** იო 15,4

მავანს, ისე, რომ არც კი იცოდა, მიჰქონდა ერთი რამ რაც ძალზე ძვირფასი იყო ჩემთვის... არადა სწორედ იმ დილას წავიკითხე: „*მთხოვნელს მიეცით*“. მეძნელა საქმე, თავსაც ვიცავდი, ბოლოს კი ვეცადე მეძალადა საკუთარ თავზე და დავრჩენილიყავი იესოს მხარეს, მასთან ერთად მოვმკვდარიყავი... იმთავითვე არ გამომსვლია, თუმცა იმ „წმიდა გარჯისათვის“ ვმადლობ იესოს.



# 18

# მაისი

აღდგომის V კვირა [I] თ

წმ. იოანე I, პაპი და წამებული, + 526

## 2017

## ხუთშაბათი

საქმ15,7-21; ფს 95; იო 15,9-11

**დაძრწით ჩემს სიყვარულში** იო 15,9

იესო იცნობს თავის მოწაფეს, შენც გიცნობს და მეც; უწყის, რომ მისი სიყვარულია ის ადგილი, სადაც შეგვიძლია კარგად ყოფნა, ზრდა, ნაყოფის გამოღება, კმაყოფილება.

შენ იქნები, იესო, დღეს ჩვენი სუნთქვა, ჩვენი წყურვილი, ჩვენი მცირე თუ დიდი საქმის მიზეზიც და მიზანიც!



# 19

# მაისი

აღდგომის V კვირა [I] თ

## 2017

## პარასკევი

საქმ 15,22-31; ფს 56; იო 15,12-17

თქვენ კი არ ავირჩევივართ,  
არამედ მე ავირჩიეთ თქვენ იო 15,6

შენ ამირჩიე, იესო: ეს ნიშნავს, რომ შემომხედე და  
შეგიყვარდი. ვერ ვხედავ ამის მიზეზს: მცირე და  
უმნიშვნელო ვარ, დატაკი და ცოდვილი... მაგრამ  
სიყვარული ხომ ბრმაა, მას თავისი ფესვები მამის  
გულში აქვს გამდგარი. გმადლობ, განვისვენებ,  
მოგეძღვნები შენ!



# 20

# მაისი

აღდგომის V კვირა [I] თ

წმ. ბერნარდინე სიენელი, ხუცესი +1444

(7.V) წმ. ღ. იოანე ზედაზნელი და მისი 12 მოწაფე, (მ)

# 2017

# შაბათი

საქმ 16,1-10; ფს 99; იო 15,18-21

**თუკი სძულსაბრთ წყუთისოფელს, იცოდეთ,  
რომ თქვენამდე მე შემიბულა** იო 15,18

იესოს მტერს, მას, ვინც გატანჯა იგი ხორცსა და  
სულში, ვძულვართ ჩვენც, იესოს მეგობრები.  
ზოგჯერ იმ ხალხს იყენებს იარაღად, მას რომ  
მორჩილებენ, ზოგჯერ კი თავად მოქმედებს,  
ჩვენი სულის სიღრმეში ჩვენი ცდუნებით. იესოს  
დარად ჩვენც შეგვიძლია გარდავემნათ მთელი ეს  
ბოროტება კურთხევისა და ხსნის იარაღად, თუკი  
ყოველივეს მამას მივუძღვნით, მას გადავაბარებთ  
და მივანდობთ. ალელუია!



# 21

# მაისი

პასექის VI კვირადღე, «ა», [II], თ

## 2017

## კვირა

საქმ 8,5-8.14-17; ფს 65; 1პეტ 3,15-18; იო 14,15-21

**თუკი გიუჯარჯართ, დაიცავით ჩემი მცნებები** იო 14,15

იესო, გაგიმხელ ჩემს შიშს, ვერ ვახერხებ შენს  
შეყვარებას... აღარა ვგრძნობ იმ სიხარულს,  
როგორც შენი გაცნობის დასაწყისში, მიჭირს შენი  
„მცნების“ შესრულება, ხშირად არ გამომდის...  
თუმცა, ფარ-ხმაღს როდი ვყრი, კვლავ და კვლავ  
შენთან მოვდივარ და გთხოვ შემწეობასა და  
მოთევებას, მადლობას გწირავ... ვუწყი, რომ ჩემი  
გულის სიმშვიდეც შენი მცნებაა! მადლობა, იესო!



# 22

# მაისი

აღდგომის VI კვირა [II] თ

წმ. რიტა კასიადან, +1447

(9.V) წმ. შიო მღვიმელი (VII.)

## 2017

## ორშაბათი

საქმ 16,11-15; ფს 149; იო 15,26 - 16,4

უფალმა გაუხსნა მას გული  
ჰაუღეს სიტყვების მისაღებად საქმ 16,14

ეს სიტყვა გვამხნევენს, რათა სულგრძელნი და გამძლენი ვიყოთ ღოცვის საქმეში. იესოს შემოშვება ხომ, უპირველეს ყოვლისა, მამის ნიჭია. ღოცვით გავუხსნათ მას გზა, იმოქმედოს ჩვენს გულებში.



# 23

# მაისი

აღდგომის VI კვირა [II] თ

## 2017

## სამშაბათი

საქმ 16,22-34; ფს 137; იო 16,5-11

**იწამე უფალი იესო და გადარჩები** საქმ 16,31

შესაძლოა შენც დაგმართვნია, რომ დილით იღვიძებ იმედისა და სიხარულისაგან სრულად დაცლილი, შენი საქმეების შესასრულებლად ძალაგამოლეული... ვილოცოთ, მივუძღვნათ დღის პირველი ნაწილი უფალ იესოს: ჩვენც ამოვიცნობთ, ყველა ჩვენი მოძმის მსგავსად, რომ იესო ჩვენი მაცხოვარია!



# 24

# მაისი

აღდგომის VI კვირა [II] თ

## 2017

## ოთხშაბათი

საქმ 17,15.22 – 18,1; ფს 148; იო 16,12–15

**ყოველივე რაც მამას აქვს, ჩემია** იო 16,15

იესო, შენ ჩემთან იმავე თანაზიარებაში ხარ, როგორც მამასთან. ჩემია შენი გულმოწყალება, ჩემია შენი სიბრძნე, ჩემია შენი თავმდაბლობა... ჩემია შენი გული! ლოცვით, ძმათა გამოწვდილი ხელით, შენს ეკლესიაში ბოძებულ ნიჭთა მიღებით, დავიცავ ყველა ამ სიკეთეს: ესაა ჩემი საუნჯე!





# 25

# მაისი

ზეცად ამადლება უფლისა ჩვენისა იესო  
ქრისტესი, «ა», დდ, [ს], თ  
ცალკეულ სამრევლოებში შეიძლება აღინიშნოს დამდეგ კვირადღეს

## 2017

## ხუთშაბათი

საქმ 1,1-11; ფს 46; ეფ 1,17-23; მთ 28,16-20

მ. ივანე გვარამაძის გახსენება (+1912)

მე თქვენთანა ვარ უოველ დღე  
წუთისოფლის აღსასრულამდე მთ 28,20

სწორედ მაშინ, როდესაც ჩვენი მზერისათვის უჩინარდები, იესო, მომართავ ჩვენკენ ამ სიტყვას, სიტყვას, რომელიც გვანიჭებს ძალასა და სიხარულს, რათა ვიცხოვროთ როგორც შენმა ნამდვილმა მოწაფეებმა. დიახ, დღეს შენ უბრუნდები შენს ადგილს მამის მარჯვნივ, ზეცაში! მონაწილე ხარ მთელი მისი ძალმოსილებისა, ანუ, ძალგიძს მოგვმადლო მისი სიყვარული ყოველთვის და ყოველგან, ჩვენი ცხოვრების ყოველ გარემოებაში! გჭვრეტ და გეთაყვანები, იესო, უფალო ჩემო! ალელუია!



# 26

# მაისი

აღდგომის VI კვირა [II] თ

წმ. ფილიპე ნერი, +1595, (მ);

(13.V)წმ. ღირ. ექვთიმე ათონელი, + 1028წ.

## 2017

## პარასკევი

საქმ 18,9-18; ფს 46; იო 16,20-23

სულთმოფენობის ნოვენა;

საქართველოს დამოუკიდებლობის დღე

**ნუ გეშინია; განაგრძე ლაჭარაკი...**

**მე შენთან ვარ** საქმ 18,9

პავლე, წარმართთა დიდი მოციქული, გულში  
„მცირეა“: მისი სახელიც ხომ ამას ნიშნავს!

სჭირდება იესო, სჭირდება მისი სიახლოვე, ნუგეში  
მისგან, გამხნელება, გაძლიერება... იესო, ჩვენ  
ყველანი, შენი მოწაფენი, შენი „მცირენი“ ვართ;  
განგვამტკიცე, შეგვეწიე, რათა შევძლოთ შენზე  
საუბარი: ყველას სჭირდება ეს!



# 27

# მაისი

აღდგომის VI კვირა [II] თ

წმ. ავგუსტინე კენტერბერიელი, ეპ. +604

## 2017

## შაბათი

საქმ 18,23-28; ფს 46; იო 16,23-28

**ითხოვეთ და მოგეცემათ** იო 16,24

იესო, ჩვენ, შენი ეკლესია სწორედაც რომ ამ  
სიტყვას ვემორჩილებით: ვთხოვთ მამასა და შენ,  
რომ მოვიდეს წმიდა სული. ის შენი მსხვერპლის  
ნაყოფია, ისაა თავად მამის სიყვარული ჩვენში,  
რომელიც გვანუგეშებს, სიხარულით აღგვავსებს.  
მოდით, სულო წმიდაო!



# 28

# მაისი

პასექის VII კვირადღე, «ა», [III], თ

## 2017

## კვირა

საქმ 1,12-14; ფს 26; 1 პეტ 4,13-16; იო 17,1-11ა

**ესაა სატყუანო სიცოცხლე, გიცნობდნენ შენ,  
ერთადერთ ჭეშმარიტ ღმერთს** იო 17,3

თავის ლოცვაში ავლენს იესო ყოვლადამატებული სახით იმ თანაზიარებას, მამასთან რომ აკავშირებს მას. ეს ლოცვა კი მან თავისი სიკვდილის წინ აღავლინა, მთავარი მისიის შესრულებისას. მამის სიტყვა, მისი მთავარი სათქმელი გაჟღერდა მასში, და დაგვანახა, თუ ვინ ყოფილა თურმე ღმერთი სინამდვილეში. უფალო იესო, რაკი ვირწმუნეთ ეს შენი სიტყვა, უკვე წუთისოფელს როდი ვეკუთვნით, არამედ შენი ვართ; მაშ, დაგვიცავ ეკლესიის ერთობაში, რათა კვლავაც გამოჩნდე ჩვენში.



# 29

# მაისი

აღდგომის VII კვირა [III] თ

## 2017

## ორშაბათი

საქმ 19,1-8; ფს 67; იო 16,29-33

**მაგრამ მე მარტო არა ვარ** იო 12,24

მიუხედავად იმისა, რომ ყოველ კვირადღეს წირვაზე ვამბობთ მრწამსს და ყოველწლიურად ვაღიარებთ ჩვენს სარწმუნოებას საპასეჟო ღამისთევამე, უამრავ გარემოებაში, უფალო იესო, ჩვენი უძლურება გვიბიძგებს შენი ღალატისა და შენგან დაშორებისაკენ. ქმენ, არ მიგატოვოთ ამ წუთისოფელში, რომელშიც გნებავს, რომ შეგიყვაროთ, როგორც უყვარხარ მამას სული წმიდაში, მარადიული ერთგულებით!



# 30

# მაისი

აღდგომის VII კვირა [III] თ

## 2017

## სამშაბათი

საქმ 20,17-27; ფს 67; იო 17,1-11

**შენი სახელი გამოჟუტხადე ადამიანებს** იო 17,6

იესო, შენ ბოლოს და ბოლოს უჩვენე ადამიანებს ღმერთი! უჩვენე იგი შენს მზერაში, შენს სიყვარულით მძლავრ ხელებში, შენს სიტყვებში, შენს სიცოცხლესა და შენს სიკვდილში ჩვენთან ერთად და ჩვენთვის! მადლობა, იესო! აღარ გვაშინებს ღმერთი, აღარა გვგონია იგი შორი! აღრც სიცოცხლე და აღარც სიკვდილი აღარ გვაშინებს! ალელუია!



# 31

# მაისი

ნეტ. ქალწ. მარიამის მონახულება, დ, [ს], თ  
(18.V) წმ. მონაშენი დავითი და ტარიჭანი

## 2017

## ოთხშაბათი

სოფ 3,14-17 (ან, რომ 12,9-16); საგ.: ეს 12,2-6; ლკ 1,39-56

### დალოცეთ თქვენი მღევნეონი რომ 12,14

დღეს ვუმზერო ყოვლადწმიდა მარიამს,  
რომელიც მძიმე მოგზაურობას ეჭიდება მუცლად  
პატარა იესოსთან ერთად. ხანდაზმულ ნათესავ  
ელისაბედს, რომელიც მასთან ესოდენ ახლო იყო  
უფლის რწმენის მიერ, ესაჭიროება დახმარების  
ხელი. წავიკითხოთ ამ დღესასწაულისათვის  
განკუთვნილი პავლე მოციქულის ნაწყვეტი:  
ვისწავლით სიყვარულს, ვისწავლით თავად  
ღმერთის სიყვარულის, წმიდა სულის შემოშვებას  
ჩვენს გულებში და დედის გულსაც გავახარებთ!

